



Här Fernand Etgen
President vun der Chamber

Lëtzebuerg, de 17. Abrëll 2023

Här President,

Esou wéi den Artikel 80 vum Chambersreglement et virgesäit, bieden ech Iech, dës parlamentaresch Fro un den Här Landwirtschaftsminister weiderzeleeden.

Nom Arrêt vun der Cour administrative vum 30. Mäerz huet d'Regierung de Verbuet vum Planzeschutzmëttel Glyphosat missen ophiewen. Gläichzäiteg huet den Här Landwirtschaftsminister en Appell un d'Bauern, Wënzer a Gäertner gemaach, fir fräiwëlleg op den Asaz vum Glyphosat ze verzichten. Ausserdeem ass eng Etude ugekënnegt ginn, un Hand vun der den Asaz vu Glyphosat nees kéint verbuede ginn, an dat obwuel et schon eng ganz Rei vun Etuden zum Glyphosat gëtt an d'Europäesch Agence fir Liewensmëttelsécherheet deemnächst hier Conclusioun wäert publizéieren. Am Kader vun der Lëtzebuergescher Etude ass eng Zesummenaarbecht mat engem „partenaire de recherche“ annoncéiert ginn. An deem Kontext wollt ech folgend Froen un den Här Landwirtschaftsminister stellen:

- Wat fir Krittere solle genee laut Cahier de charge an der Etude ënnersicht ginn?
- Wat fir zousätzlech Erkenntnisser erwaart sech d'Regierung vun dëser Etude?
- Wien wäert d'Etude duerchféieren?
- Ass den Optrag offiziell ausgeschriwwe ginn?
- Wat ass de Käschtepunkt vun der Etude?
- Bis wéini sollen d'Resultater virleien?
- Firwat gëtt d'Regierung eng eegen Etude an Optrag a waart net, bis déi fir Juli ugekënnegt Resultater vun der grousser Etude vun der Europäeschen Agence fir Liewensmëttelsécherheet (EFSA) publizéiert ginn, an der d'Risiko vum Glyphosat fir d'Mënschen, d'Déieren a fir d'Ëmwelt ënnersicht ginn?

Här President, ech bieden Iech, mäin déifste Respekt unzehuelen.

Martine Hansen, Deputéiert



Gemeinsam Äntwert vun der Ministesch fir Ëmwelt, Klima an nohalteg Entwécklung an dem Minister fir Landwirtschaft, Wäibau a ländlech Entwécklung op d'parlamentaresch Fro n°7887 vum 17. Abrëll 2023 vun der éierewärter Deputéiert Madamm Martine Hansen iwwert "Étude sur le glyphosate"

D'Etüd wäert vum LIST duerchgefouert ginn a sech op véier Aspekter konzentréieren :

- An evaluation of glyphosate and its main transformation product AMAPA in surface waters and ground waters with regard to pollutant source and dynamics as well as potential environmental quality exceedances;
- An evaluation of the accumulation of glyphosate residues in soils and leaching probabilities towards groundwaters and surface waters considering different soil types, especially vulnerable soil types and water-logged alluvial soils;
- Analysis of alternative agricultural management techniques to substitute the use of glyphosate and their economic impact;
- Global vulnerability evaluation for Luxembourg's terrestrial and aquatic ecosystems taking into account its specific hydrogeography, the limits and constraints of different national protection zones, the ecosystem quality to be achieved following different EU directives.

Den Optrag ass iwwert e marché négocié un de LIST vergi ginn. De Käschtepunkt vum Optrag beleeft sech op 36'930€ ouni TVA.

Den Zäitplang gesäit vir, datt d'Etüd der Regierung géint Mëtt Juli virleie wäert.

Am Géigesaz zu der grousser Etüd vun der EFSA, déi sech mat der direkter Wierkung vum Glyphosat op déi mënschlech Gesondheet an op aner Organismen beschäftegt, bezitt d'Etüd vum LIST sech op d'Analys vun der spezifescher Situatioun an eisem Land, besonnesch am Beräich vun der Hydrogeographie an der Hydrogeologie.

Et gëtt analyséiert wéi sech d'Glyphosatbelaaschtung – inklusiv den Ofbauprodukter vum Glyphosat - an de Flëss, de Sedimenter an dem Buedem zu Lëtzebuerg presentéiert an ob d'Belaaschtung Ënnerscheeder opweistgéigeniwwer der Situatioun an deem Land, an deem de Glyphosat fir de Verkaf zougelooss ginn ass.

Fir de Spezifizitéite vu Lëtzebuerg adequat Rechnung ze droen, ginn des Ëmweltinformatiounen elo méi systematesch opbereet an duergestallt.

Lëtzebuerg, den 17. Mee 2023
(s.) Joëlle Welfring
Ministesch fir Ëmwelt, Klima an nohalteg Entwécklung